



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

7tima Visitatio Sacramenti. Actus eliciendi tempore Extremæ Unctionis.

Nutzungsbedingungen

[urn:nbn:de:hbz:466:1-54780](#)

& adjuro : Ut quantum ipsi vos divinæ bonitati , per quam æternam beatitudinem consecuti estis , obligatos esse intelligitis , tantum vos nunc totos pro salute mea impendere dignemini . Demum cum Ecclesia Matre ad Deum confugiens dico :

Deus , qui beatam Julianam Virginem tuam extremo morbo laborantem preioso Filii tui corpore mirabiliter recreare dignatus es . Concede quæsumus ejus intercedentibus meritis , ut nos quoque eodem in mortis agone refecti ac roborati ad cælestem patriam perducamur . Per D . N . I . C .

*7tima Visitatio Sacramenti.**Actus eliciendi tempore Extrema Unctionis.*

Domine JESU , jam cubitum iturus te adoro . Et cum hunc diem totum impenderim in me ad bonam mortem preparando ; ut eam quieti concessurus eò mihi vivacius ante oculos ponam , non discedam hinc , nisi postquam in Spiritu Extremam Unctionem perceperim . Quæ (sicut Baptismus mihi contulit gratiam , ut bene vivere inceperim) *extremum vitæ meæ teste* Tidit , tanquam fortissimo præsidio muniet . Itaque percurram modò mente coram te Deo meo Eucharistico singulos sensus (hic illis applica formulam Ext . Unct . illos Crucis signando & dicendo : *Per istam S. Unctionem , Ec.*) pro quolibet petam veniam injuriarum , quas per illum tibi irrogavi , & ad resarcierendos meos per illum commissos defectus æterno Patri tuo offe-

feram cruciatus illos , quos tu in quolibet sensu
pro me pertulisti.

§. 3tius.

*Praxis horis singulis à Deo , B. V. & Sanctis fe-
licem mortem exorandi.*

Per Nadasi Praxes varias tibi suggestit , quibus quis , dum sanus est , ad mortem aliquando devotè obeundam se præparare possit. Ego ex duabus unam faciens ostendam modò , quomodo vel singulis mensibus , vel saltem per annum sèpiùs die v. g. aliquo Sabbathino , vel Deiparæ festo dies vitæ ultimus Beatissimæ Virginis Deiparæ offerendus , & à Deo , B. V. & Sanctis , quorum memoria singulis per annum mensibus ab Ecclesia recolitur , pro die isto implorandum sit auxilium ac patrocinium per singulas 24. horas diei naturalis. Et quia de nocte singulis horis id commodè fieri non potest , singulis duodecim per diem horis à 6ta Matutina ad Sextam Vespertinam exclusivè duplìcem adjiciam afféctum vel orationem. Unam ad B. V. dein alteram ex festis cuiuslibet mensis per annum inceptiendo à Januario. Sic autem quælibet per diem hora pro correspondente sibi noctis hora hic computari debet , prout horæ exceptâ Italiam numerantur in Europa.

Hora 6ta Matutina.

Offero tibi Maria Mater Dei hunc & ultimum
diem vitæ meæ cum singulis suis horis æ-
mo-